

MIZO

Maximum Marks: 80

Time Allowed: Three hours

*(Candidates are allowed **additional 15 minutes** for **only** reading the paper.*

*They must **NOT** start writing during this time).*

Answer Questions 1, 2 and 3 in Section A and four questions from Section B on any three out of the four prescribed textbooks.

The intended marks for questions or parts of questions are given in brackets [].

SECTION A

LANGUAGE - 40 MARKS

Question 1

[15]

Write a composition in approximately 400 words in Mizo on any *one* of the topics given below.

A hnuaia thupuite zinga i duh ber pakhat thlang la, thumal 400 hmangin thuphuah (essay) han ziak teh:

- (i) Intodelh hi hmasawna a ni.
- (ii) Ram hruaitu tha ni tura thil pawimawhte.
- (iii) Tanrual hi chakna a ni.
- (iv) Zirlaite ram nghahfak an ni.
- (v) Hun awl hman that dan.
- (vi) Sikul chawlh nuam ka tih ber mai chu

Question 2

Read the passage given below carefully and answer the questions that follow, using your own words in Mizo:

(A hnuaiia thute hi ngun takin chhiar la, chumi zawhah Mizo ṭawngin zawhna zawng zawng chhang vek ang che)

OR

Read the passage given below carefully and write a summary with an appropriate heading.

(A hnuaiia thute hi ngun takin chhiar la, a thupui neiin, a summary han ziaak teh)

Tlâwmngaihna hi Mizo ṭawng thumal zingah mawi kan tih leh kan chhuan ber a ni hial awm e. Mizo nih ti nuamtu ni hial te pawhin kan sawi ṭhin a. Tlâwmngaihna hi a awmze dik tak leh a nihphung a ropui êm avangin mawi kan tiin kan ngaisâng hle an ni. Mi thenkhat chuan tlâwmngaihna chu tlawm duh lohna a ni e ti te in an hrilhfiah a, mahse a dik tawk lo. Tlâwmngaihna chu mahni tana hnemhnan pui tur awm hauh si lova midangte tana ṭha turah chuan mahni pawh thâm ral ṭhak khawpa inpek zawhna hi a ni. Tlâwmngaihna chuan a huam zau êm êm a, taihmakna te, huaisen te, tawrhchhel te, ngilneih te, thilphal te, inngaihtlawm te, mahni hma sial loh te, aia upa zah te hi a huam tel vek a ni.

Kan pi leh pute chuan tlâwmngaihna an ngâihsan êm avangin an tu leh fate pawh tlâwmngai turin an zirtirin an fuih nasa ṭhin hle a ni. Mi tlâwmngai te zârah khawtlâng a nuam a, a thlamuang a, nun a haadam ṭhin. Mi tlâwmngai chu miretheite tân chuan thlamuanna kulhbîng an ni a.

Hmâsang ata tawh Mizote zîngah tlâwmngaihna hi a pâr vul hle ṭhin a. A chhan chu nu leh paten an fate tlâwmngai turin an zirtir ṭhin a. Tun hma chuan Zâwlbûk hi khawtinin an nei ṭhin a, tlangval riah khâwmna bik tura an sak a ni. Zâwlbûkah chuan upa hovin hmanlai mi tlawmngai leh huaisen chanchin te, indo leh inrun chanchin te an sawi ṭhin a, chutiang mite chanchin chuan tlangvalte chu a fuihin a kaihruai ṭhin.

Kan pi leh pute huna tlâwmngaihna a vul ṭhat êm êm na chhan pakhat chu ngaihsân nachâng an hria leh mi tlâwmngai chawimawi nachâng an hria kha ani. Tlangval tlâwmngai te chu sechhun khûangchawi nikhua te, chawn leh lâm changtein Lal leh upaten huai no ‘Nopui’ an tih mai chu an dawmtir ṭhin a, chu chu inchawimawina ropui tak a ni. A hunlai na na chuan chutiang tluk a inchawimawina sâng leh ropui a awm chuang lo.

- (i) Mizo tawng thumal zinga mawi leh chhuanawm ber kha eng nge ni? [3]
- (ii) Mi thenkhat ten ‘Tlawmngaihna’ an hrilhfiah dan kha han sawi teh. [3]
- (iii) Tlawmngaihna’ chu eng nge a nih? [3]

(iv) A karawl dah khat rawh.

(a) Kan pi leh puten tlawmngaihna an ngaihsan avangin an tu leh fate _____ turin an zirtir thin. [1]

- (1) Mifel ni turin
- (2) Mi ropui ni turin
- (3) Mi tlawmngai ni turin
- (4) Midang tanpui turin

(b) Mi tlawmngai te zarah khawtlang a _____ thin. [1]

- (1) nuam
- (2) ralti
- (3) hrehawm
- (4) thlabar

(c) Tlangval tlawmngai te chu Lal leh Upaten huai no _____ an dawm tir thin. [1]

- (1) Nopui
- (2) Silai
- (3) Chem
- (4) Fian

(v) A dik ber thlang chhuak rawh.

(a) Mi tlawmngai chu mi rethei te tan chuan [1]

- (1) thlamuanna
- (2) nun tihrehawmtu
- (3) tanpuitu
- (4) hmangaihtu

- (b) Hmasang ata tawh Tlawmngaihna mizo te zinga a par vul chhan chu: [1]
- (1) nu leh pate'n an fate tlawmngai turin an zirtir
 - (2) Mi tlawmngai hnam kan nih vang
 - (3) Hnam changkang tak kan nih vang in
 - (4) Khua leh khua kan indo thin avangin
- (c) Kan pi leh pute huna tlawmngaihna a vul that em em chhan chu: [1]
- (1) Mi tlawmngai an ngaisangin, chawimawi nachang an hriat avangin
 - (2) Mi tlawmngai te chu Lalin a duhsak thin avangin
 - (3) Mi tlawngai ten nun an tih nawm avangin
 - (4) An inlungruai avangin

Question 3

(A) Correct the following sentences and rewrite as per the instructions given:

A hnuaiia conjunction hmang hian Sentence han siam teh.

- (i) chuan [1]
 - (ii) nimahse [1]
- (B)**
- (i) A hnuaiia chhanna dik ber thlang chhuak rawh: [1]
 - (a) Conjunction
 - (b) Pronoun
 - (c) Noun
 - (d) Adverb
 - (ii) Hun sawina tawngkam hi [1]
 - (a) Number
 - (b) Tense
 - (c) Verb
 - (d) Gender

(iii) Thil engpawh a tam leh a tlem sawina tawngkam hi [1]

(a) Number

(b) Noun

(c) Gender

(d) Tense

(C) A kar awl dahkhat rawh:

(i) Thil tlemte,eng tham mah nilo sawina hi_____ [1]

(a) Bei tham

(b) zawng fian phel

(c) satel mau la ang

(d) lu pan hnathawh

(D) A hnuaia thute hi hrilhfiah rawh: [4]

(i) Chhiatni thatni

(ii) Vana rah ang

SECTION B

LITERATURE - 40 MARKS

Answer **four** questions from this section on **any three** out of the four prescribed textbooks.

Hemi section atang hian zawhna pali chhang ang che

ṬHI-HNA BU

Question 4

“Nang lo chu thinlai hnemtu an awmlo,
Tinkim dawn changin nun hlui ka ngai;
Ngai lo ang hian mual an liam zo ta,
Eng tikah rual zawng tawng leh ang I maw?
Chhung kim dar ang kan lenna run nen,
Khuarei kumsul vei mah te’n ka nghak,
E tikah dar ang tawng leh ang i maw?”

- (i) A chung a hla khi khawi atanga lakchhuah nge ni? [1]
- (ii) He hla phuahtu hming hi sawi la, ‘Nang lo chu’ a tih hi tu a sawina nge ni sawi bawkw rawh ? [2]
- (iii) He hla phuahtuin “Ngai lo ang hian mual an liam zo” a tih hi han hrilhfiah the. [2]
- (iv) A chung a hla thu khi Mizo tawng tluang tlam in han dah teh [5]

Question 5 [10]

Siamkima’n Anni leh Keini danglamna a sawi te kha han ziaak chhuak teh.

Question 6 [10]

Mizo hnam zia leh nunphung in zirlaibu tlawh chhanin han ziaak teh.

THLAHRANG BU

Question 7

“A va han pawl tak em a at vang vek zu nia.Mahni sa him nan-te chuan dawtte pawh sawia, ‘kan kah a nilo reng reng te pawh tih ve bawkw awm.Dawt te chu mi pawhin a thlawnin an sawi an sawi thin alawm.Mahni sa himna turte chuan han sawi hreh chai tur a ni hlei nem,” a ti buan buan a.

- (i) A chhunga thu khi tu nge a sawi tu? [1]
- (ii) Eng vangin nge pawl a tih em em ? [2]
- (iii) Tu chanchin nge a sawi ? [2]
- (iv) Mahni sa him nana dawt sawi hi thil tha ani reng em I ngaih dan han sawi zau teh ? [5]

Question 8

[10]

‘Thlahrang’ thawnthua Kawla leh Parmawii inlaichin dan han sawi teh.

Question 9

[10]

‘Thlahrang’ thawnthua Tawia pawimawhna han sawi teh.

HAWILOPARI BU

Question 10

“Lal ka nih hun chuan,Upaah ka siam ngei ngei ang,”a ti thin a.Chu tleirawl an han hmuh chuan an ngawi thap a.Zema chuan , “E Chhana,lo kal ve the khai,ka rilru hria ni awm taka ka ngaihtuahna lai tak che a in lo kal fuh kher chu le!” nui deuh chung hian a ti a.

- (i) Chhana hi tu nge ? [1]
- (ii) Chhana’n upaah ka siam ngei ngei ang atih te hi tute nge ni?Eng vangin nge Upaa siam a tum? [2]
- (iii) Khilai hmuna an inhmukhawm chhan khi han sawi la,Chhana an hmuh a an ngawih thap chhan kha sawi bawkw rawh? [2]

- (iv) Hawilopari thawnthua unau pahnihte vanduaina leh harsatna tawh ang hi kan tunlai hunah hian miin an la tawk em? Hetiang harsatna hi kan la tawk anih chuan a sutkian dan tha nia i hriat han sawi teh ? [5]

Question 11 [10]

Pari pa hnena Hminga pa thuchah kha eng nge?

Question 12 [10]

Hminga nu thih hnua Hminga te unau chung a an nuhrawn awmdan han sawi teh.

LALNGAIHAWMI

Question 13

“I duhthusam ber pawh chu a thleng dik thei tih i ring chuang lo va,ui pachal bauhvinn i bauhvinn ve mai mai tihna a nih kha. Kei chu ka duhthusam kha ka sam a, ka ngaihven a, ka zawng zel a, tunah chuan ka ‘chhawlchhin’ hmiah thei tawh ania.”

- (i) A chung a thu khi tu sawi nge? [1]
- (ii) ‘Ui pachal bauhvinn i bauhvinn’ tih hi mizo tawng tuang pangaiin han dah teh? [2]
- (iii) ‘chhawlchhin’ tih hi han hrilhfiat teh? [2]
- (iv) Kan duhthusam ber thil pawh a thleng dik thei ani tih ‘Lalngaihawmi’ thawnthu behchhan hian han ziaak teh. [5]

Question 14 [10]

Lalngaihawmi lemchan thawnthu a Lalngaihawmi mizia kha han sawi teh.

Question 15 [10]

Lalngaihawmi lemchan (drama) atanga kan zirchhuah tur ni a i hriat han ziaak teh.